

اجتهاد

آیده بردفعه ترکیه و فرانسزجه اولاراق نشر ایدیلیر
بجموعه عثمانیه واسلامیه در

مندرجات :

روح الاقوام	عبدالله جودت
وفیات الاعیان	«
روح نسا	بدرخان پاشا زاده عبدالرحمن
مسلمانلر اویانک	بر ذات محترم
روسیه و زاپونیا	۰۰۰
مکتوب مخصوص	بر ارمنی وطنداش طرفندن
مطبوعات اخیره	***

جنوره : ۱۹۰۵

سر محرر : دو قنور عبدالله جودت

تکامل اقوامک قوانین پسیقولوجیاییه سی

مدخل

زمان حاضرک مساوات جویانه فیکرلری

و

تاریخک مبانی پسیقولوجیاییه سی

تشکیلات قومک مدینتی بر قاج فکر اساسی اوزدرینه مؤسس بولونور؛ ادبیات و صناعاتی بواساسی فیکرلردن نبعان ایدر. غایت بطی التکون اولان بوفیکرلرک انهدام و انهدامی ده غایت افکار منوره اصحابی ایچون چوق زماندن بری ظاهر البطلان اولدینی ثابت بولونان اوفیکرلر ناس ایچون تنقید وشبهه کورتور من حقایق اولاراق قالیر و ملت لرک کتلات عمیقہ سی ایچنده اجرای حکم و تأثیر ایتکده دائم اولور. اسکی بر فیکری هدم ایتکد یکی بر فیکری قبول ایتدیرمکدن دها آز کوچ دکلدر. انسانیت دأما افکار میتہ و معبودات آفلهیه نومیدانه صاریلمشدر.

انسانک تاریخ ابتدائیسندن، تشکلات ذهنیه سنک تخلفاتسندن و قوانین وراثتدن بی خبر بولونان حکما، افراد و عروقک مساوات فیکرینی میدانه آتالی آنجاق بر بوچوق عصر اولدی.

ناس ایچون بک دلفریب اولان بوفیکر. عاقبت. ذهنایینه صورت میتنه ده یرلشدی و چوق یکمه دن ثمراتی ویردی، جمعیات قدیمه نک تمیلرینی صارصدی. اختلال لرک اک مده شنی تولید ایتدی؛ غرب علمنی آن سکون و ختامی تمتع التخمین اولان بر طاقم غنیف اختلاجلر اینسه آتدی. شبهه سز افراد و عروق یکدیگرندن تفریق ایددن مساوات سزلق لرک بعضیلری صورت جدیه ده اعتراض کورتور من بر درجه ده فاحش ایدی. لکن

بومساوات سزلق لرک تعلیم و تربیه نتایجی اولدیغنه، بوتون انسان لرک ذکی وائی اولاراق دوغدیغنه و بوندری یالکیز تشکیلاتک افساد ایله دیکنه کسب قناعت ایدیلدی. بو حالده دردک درمانی بک ساده ایدی؛ تشکیلاتی تجدید ایتک وهر انسانه علی السویه بر علم و تربیه ویرمک. بو صورتله درکه تأسیسات عمومیه و تعلیم و تربیه، نهایت. (ده موقراسیا) ی حاضرک اکسیر شفالری اولدی و زمانمک صوک آلهلری Divinités اولان لایموت (پره نسیب) لر ایچون، نظر خراش مساوات سزلق لرک دوالری حکمنی آلدی. حقیقت، ایله ریله مش بر فن، مساوات نظریه سنک بوشلغنی اثبات ایتدی. ماضی نک افراد و عروق ارسنده آچش اولدیغی کرداب عقلی نک آنجاق غایت بطی تراکات ارشیه ایله املا ایدیله بیله جکفی کوسزدی.

یکی پسیقولوجیا. صعب تجربه درسلی نک یاننده، بعض افراد ویا اقوامه مناسب ولان تشکیلان و تربیه نک دیکر افراد و اقوام ایچون غایت مضر اولدیغنی کوسزدی. لکن میدانه آیلان فیکرلری، بطلاتی آکلادیقاری کون، محو ایتک حکما نک دائرة اقتداری داخلمده دکلدر. هیچ بر بند آبک ضبط ایدمه دیکی جوشقون بر نه رکبی، فکر، سیر موانع بر اندازانه سنی تعقیب ایدر، و جریانی هیچ برشی یا واشلا تاماز.

علمی هرج و مرج و اوروپاده عظیم بر اختلال ایقاع ایدن، آمریقایی قانلی بر تفرق محاربه سنه طوطوش دوران. عموم فرانسه مستملک لری آجینیر بر حال اضمحلاله دوشورن مساوات بین البشرک بو علم اجمالی موهومی، نه قدار خطالی در، بیلمه ین نه اولدجه معلو. ماتلی بر فیزولوجیاشناس وارد، نه بر سیاح، نه ده رجاال حکومتدن بر تک کیمسه. مع هذا بو مساوات بین

البشر فکری رد ائمه جبارت ایدم جکر اندردر.
 حقیقت بومرکزده اولماقده برابر، فکر مساوات بر
 دورۀ انحطاطه دوشمکدن اوزاق اولدوقدن باشقا مبادیاً
 دخی بویومکدهدر. عن قریب اکثر غرب اقوامی
 کندیسنه مقتون واسیرایده جکی محتمل اولان [سوسیالیزم]
 ایشته بومساوات نامنه خلقک سعادتتی تأمین ایتک
 داعیه سنده بولونیور. ینه بو مساوات نامنه درکه زمانمکز
 قادیلری کندیلرینی ارکک لردن تفریق ایدن تشکلات
 ذهنیه اختلافات عمیقہ سنی اونوتاراق ارکک لک حائر
 اولدینی عینی حقوقی حائر اولماق اولنرک آلدینی تعلیم
 و تربیه نی آلاق طلبنده بولونیور لکه بو مقاصده ظفریاب
 اولدوقلری حالده اورویایی فامیلیاسز، ئهوسز، بارقسز
 کوچہ به حالته قویا جاقلردر.

مساوات (پرنسب) لرینک ایقاع ایتدیکی وداها
 مدھش اولاراق ایقاع ایدم جک اولدینی اختلافات
 سیاسیہ واجتماعیہ دن اھالی، همان هیچ اندیشناک اولما
 مافدهدر. رجال حکومتک ایسه داها زیاده اندیشه
 ایدم بیلیمک ایچون عمر سیاسی لری زمانمزده پک قیصهدر.
 بوندن باشقا، افکار عمومیه، حاکمۀ دوران اولمش
 بولوندیغدن اونا مخالف یول تعقیب ایتک محال درجه سنی
 بولمشد.

بر فکرک اهمیت اجتماعیہ سی، آنجاق، روحلر
 اوزده رینه اجرا ایتدیکی نفوذ و قدرت ایله میزان اولونور.
 حائر اولدینی مرتبۀ حقیقت و عدم حقیقت یالککز
 فلسفی نقطۀ نظرندن جالب دقت اولابیلیر. کرک خطا،
 کرک صواب اولسون بر فکر بردفعه، حسیات حائده
 خلقه نفوذ ایتدیمی بوندن تولد ایدم جک نتایجک کافه
 سنه متوالیاً قاتلانماق ضروری در.

زمانمکز مساوات خولیاسی، تعلیم و تدریس و
 تشکیلات واسطه لرله حیز فعله حیقمایه چالشیور.
 تدریسات و تشکیلات سایه سنده طبیعتک قوانین غیر عادلہ
 سنی اصلاح ایدم رک [مارتینک]، [غوادولوپ] و [سنه غال]
 زنجیلرینک، جزائر و آسیا عربلرینک دماغلرینی بر
 قالب دن حیقارمایه چالشیور. بو ایسه حیز فعله حیقما یان
 بر خیال خامدر. خام خیال لک تهاکه سنی ده آنجاق تجربه
 کوسته ریبایر. منطق. محاکمه انسانلرک قناعتتی تحویل دن
 عاجزدر.

بو کتابک موضوعی عروقک روحلرینی تشکیل
 ایدن سجایای پسیقولوجیائیہ نی تعیین وبرملتک تاریخ
 مدنیتک بوسجایادن ناصل نشأت ایتدیکنی ارائه ایله مکدر.
 تفصیلاتی بر طرف ایدم رک یاخود یالککز، سرد و وضع
 اولونان (پرنسب) لری اثبات ایچون لزوم تمهیدی تحقیق
 ایتدیکجه تفصیلاته مراجعت ایدم رک، عروق تاریخیه نک
 یعنی زمان تاریخیدن بری تصادفات وقتو حالتک، هجرت لک
 یاخود تبدلات بولیتیقیه نک تحت تأثیرنده متشکل عروق
 صناعیه نک صورت تشکیلی و بنیۀ عقلیه Constitution
 mentale لرینی تدقیق و تاریخلرینک بو بنیۀ عقلیه دن نبعان
 ایتدیکنی ارائهیه غیرت ایدم جکز. سجایای عروقک
 درجۀ ثبات و تحولانی محک تحقیق دن کچیره جکز، افراد
 ویا اقوام، مساواته دوغرومی یوروپورلر یوقسه بالعکس
 یکدیگر لردن داها فرقلیلاشایه می متاہل بولونیورلر؛
 بونی کشف و ارائهیه سعی ایدم جکز. بونی متعاقب بر
 مدنیق وجوده کترین عناصر اساسیه - که صناعات،
 تشکیلات، اعتقادات در - روح عروقک دوغروندن
 دوغرویه خصوصی تجلیاتی اولوب اولمادیغنی و بوحیثیته
 بر قوم دن دیگر بر قومه انتقال ایدوب ائمه به جکی تدقیق

ایده بیلیمک ایچون ایلك اول روحنی تبدیل ایتیه مجبور در . بر قوم مدیننی باشقار قومہ ترک و تبرع ایده . بیلیمک ایچون روحنی ده ترک و تبرع ایده بیلیمه سی لازم کلیر . بو حکم .. شبهه یوق ، تاریخک ویردیکی بر حکم دکلدر ؛ تاریخک افادات متضادین قید ایده رک ظواهر بی اساس ایله آلدانمش اولدیغنی قولایجه اثبات ایده جکر .

بر عصر دنبری یکدیگرینی ولی ایدن مجددلر . هر شئی : معبودلری ، طور اخی ، انسانلری تبدیل ایتیمک سنینده بولونیدلر . زمانک تکوین و تثبیت ایتدیکی روح عرقک سجایای اعصاریه سی اوزره رینه هنوز هیچ بر تأثیر اجراسنه موفق اولامادیلر .

موجوداتی یکدیگریندن تفریق ایدن و ناقابل تقلیل اولان فرقلردن چیقان معنا . زمانمز سوسیالیستلرینک افکارینه تمایله ضددلر . لیکن بر عقبه ده جدیده ناشر لرینی خیال خاملرندن واز کچیره جک ، تعلیم و تدریس ، فن دکلدر . اونلرک یلته نیشلری . سعادتک ؛ او (هه - پیرید) لر [*] خزینه سنک فتحی ایچون ، انسا -

نیتک ، تاخیر تاریخ امدنبری ، تعقیب و اجرا ایتدیکی حرب سرمدی نک بر صفحه جدیده سی کوسته ریر . اگر چوق کچمه دن طبیعته عائد مساواتلرلرل صخره ترزلر ناپذیرینه چاریلمایا جاق اولسه یدی مساوات یین - البشر خیاللری ، مقدماتی سوق و اداره ایدن خولیا لردن ، دکرجه ، اشاعی قالمالزدی . اختیارلق و موت ایله . بو عدم مساوات ، طبیعتک مملو و انسانک قاتلانمایه مجبور اولدینبی آشکار اعنسافاندندر .

ایده جکر . نهایت مدینتیرک هاکی الحاقاتک تحت تأثیرنده صولوب نهایت منطقی اولدیغنی ارائیه چالیشاراق کتابی ختام پذیر ایده جکر . بو مسئله لر شرق مدینته عائد مختلف کتابلرده اوزون اوزادی به موضوع بحث و تدقیق ایتدیکنز مسائل در . بو کوچوک کتاب اونلرک ، بک قیصه بر خلاصه سی کیبی نظر اعتباره الینالیدر .

غایت مختلف مملکتلرده اجرا ایتدیکنز دورادور سیاحتلردن صورکه ، خاطر مدله ک باهر وقطعی اولاراق قالان شودر ، که هر قوم بنیه تشریحیه سی قادار ثابت بر بنیه ذهنیه مالک بولونور : [توکویل Toqueville] و دیگر حکما ، ملت لرک تشکیلاتنده ، مدینت لرینک اسباب تکاملنی بولدوقلرینی ظن ایتدیلر . بن ، بالعکس مدینت لرینک تکاملنده . تشکیلاتک بک خفیف تأثیری اولدیغنه قانع و بوقناعتی یته (توکویل) ک مطالعه ایتدیکی مملکتلردن مثال آلاراق اثبات و تبیین ایده - بیه جکمه امیدوارم . تشکیلات ؛ اکثریا ، اثر و بک نادرر اولاراق مؤثر در .

شبهه سز ، اقوامک تاریخی . بک مختلف عواملک تحت تأثیرنده تعین پذیر اولمشدر . تاریخ اقوام ؛ وقایع غیر عمومی و تصادفات ایله لبریزدر که بونلر وقوع بولمش در : فقط وقوع بولمایه بیلیردی . لیکن بو تصادفاتک ، بویکیفات عارضیه نک یاننده هر مدینتک سیرینی تعین و اداره ایدن قوانین عظیمه و ثابته موجوددر . عروقک بنیه عقلیه سی ؛ بک عمومی . بک لایتغیر اولان بو قوانین ثابته دن صادر اولور . بر قومک حیاتی ، تشکیلاتی . اعتقادات و صناعاتی ، غیر مرئی اولان روحنک نسج مرئوسندن باشقه بر شی دکلدر .

بر قوم ؛ تشکیلاتی . اعتقادات و صناعاتی تبدیل

[*] زوپیتیرک انلاف ایتدیکی بر دیوک تحت محافظه سننده کائن بر آلتون الما باغچه سنه صاحب اولان اوج آتلاس زاده نک اسمیدر .